

以收回之票為據不當以賣出之票為據賣出之數有多即作為豫備以待填補之款而綜核乃得精密矣至其辦法詳細章程隨時續擬

所擬極切當條條可行與中國言辦事如哄小孩兒非以此法不可也惟其中論票價可許行店抬高鄙意謂必不可蓋印票究與鈔票異鈔票則可以漲價蓋國家並無強人用鈔票之例不過人樂其便喜用之耳苟嫌其價漲而不用則仍用現錢無不可也若印票則凡運貨者皆不能不用以現錢代也故荷一拾價則怨讟必起矣若釐金與印花許民間擇一完納則用此法以鼓舞之為暢銷印票之計或庶可耳然並行則必不可之事蓋官便釐金而不便印花為其不能無弊也民則印花雖便矣而初時知其利者少必多遲疑既可以並行則官必設法抑勒仍有右釐而左印之弊如此則印必不行故必勒令歸一運將釐金廢之非有印花者不准放行然後可既如此則有若干商貨自必有若干印稅錢工何有不暢銷之慮乎如原議云云者必鈔法既行印花稅票可當鈔票用無往而不用之上至納錢糧地丁下至市面交易無不將此印票通行然後可然既能如此則此項權利歸之於鈔票亦已足矣不必在印票也蓋行印花雖可以寓鈔票之意而仍不無徑指為鈔票此亦不可不深察也 新會梁啟超注

電傳 上諭○本日閣抄 上諭王毓藻奏覆陳壽蘭事宜一摺據稱山東東海臨清兩關關稅前經提撥公項每歲八萬餘兩此 稅勝 分請飭認真厘剔等語關稅為餉源大宗自應實力整頓無懈各關稅款應提充公者諒亦不少豈容經取之員任意擅匿著各該將軍督撫破除情面認真厘剔查有應行歸公之款儘數提撥據實報部倘再隱匿不報從嚴參處將此通諭知之欽此十六日京申○硃筆徐致靖補授翰林院侍讀學士欽此○上諭前據給事中丁之斌奏參直隸道員高騫麟等各款當經諭令王文韶確查核奏開單呈覽直隸清河道署天津道高騫麟通示道沈能虎候補道張振榮被參各節均無實據即着毋庸置議候補道錢奎元雖無擅專情事惟年少氣浮行為謬妄着即行革職管帶親兵營副將王得勝被參各節查無實據惟性情粗疏不知檢束着併革職四門子總任裕昇武弁習氣實不能免革職留任以示懲儆該部知道欽此

膠事奏稿

德人佔據膠州灣後薄海士庶無不延頸踵望深望當軸者從速議成而中外報章傳說紛紜莫衷一是昨始得總署議結奏稿爰即照錄左方 奏為曹州教案結膠澳劃界議和謹將與德國使臣商定情形恭摺仰祈 聖鑒事本年十月間山東曹州地方發覺德國教士二名德國兵船遠襲膠州該使臣海靖致臣衙門照會要求六款勢將決裂業經具摺奏 聞並將續來照會及臣等照復並問答節畧隨時呈 覽在案臣等仰稟 宸謨與該使臣往復商論分別準駁該使臣照會以山東巡撫李秉衡履違 朝旨不受中國政府之命釀成巨案請將李秉衡革職永不叙用臣等堅持不

允議令刪去永不叙用四字但將不可再任大官之意奏請准行德主教安治泰本在濟甯倡建教堂適有曹州教案該使欲隆保護之名請 賜匾額請給工料銀兩臣等議令酌照成案用 敕建天主堂五字酌給工料銀六萬六千兩匾額仍用 敕建天主堂五字統於教堂門首勒碑以為保護之據被盜失去之款另給銀二千兩了案該使復以現在教士租賃房舍甚難擬請於鉅野荷澤鄆城單縣武陟曹縣魚臺七處為教士各建住房一所共給工料銀二萬四千兩均作為已殺教士賞卹之用現獲盜犯照例懲辦失察之地方官從重參處該使又索中國應保以後永無此等事件臣等駁以保護教堂條約所准惟盜賊碎發豈能永保其必無該使語塞因與議定請 皇上發明諭旨飭地方官照約盡力保護特該國教堂究有幾處臣衙門無案並令將各府州縣凡有教堂處所開送臣衙門查核該使亦經答允庶於保護之中稍寓稽察之意此案失事之地方官或謂他省或從重參懲均由中國自行酌辦該使借教案旁索商務擬請嗣後山東一省如開辦鐵路旁近礦務先儘德商佔辦旋又請設立德華公司造通山東省鐵路並通省及鐵路旁近之礦意在依照俄華公司利益臣等力與磋商允由膠澳至濟南省城造鐵路一段俟此段造成後再商造後段與中國自辦幹路相接均由德商華商民集股領辦聲明不佔山東地土並另立合同無庸比照他國章程以為中德自商之證該使又以德國辦理此案所習之銀請中國賠償索數百萬兩尤為無理取鬧臣等告以此案中國無賠償之理惟願念數十年邦交及前此相助之誼另籌辦法與教案絕不相涉須截分兩事期杜他國藉口斷不能認賠一錢該使以候其國命為辭延宕經旬臣等迭次催問漸次就緒已允斂兵下船退出所據之地賠償作罷初訂明在臣衙門互換照會適曹州地方復有驅逐教民殺害洋人之說該使臣頃翻前議又照會臣衙門仍請將李秉衡革職永不叙用復經臣等力與駁論並欽奉 諭旨將曹州鎮總兵萬本華撤省訊問該使始無可置辯於本月十二日來臣衙門會晤臣等即將繕定教案六條照復一件當面交訖以符先結教案之議臣等竊維中德兩國向無嫌隙祇以助歸遠東索報未遂該國注意所在則英法俄等國均佔有東方海口而該國獨無停輪屯棧之所不足與各大國均勢疊出使大臣許景澄函電相聞而膠澳又為該國所垂涎故本年正月臣等請在膠州創修船塢之奏即已籌慮及此十月教案初起奉 旨令李秉衡查拿兇盜有德方圖借海口之 諭敵謀之狡早在 聖明洞鑒之中此次借殺教士起釁遽派兵船護膠澳分兵畧地直窺即墨城德君又派其弟率領師船來華用心實為巨測該使所開教案六條堅請照辦並無一語退還膠澳臣等僅恃筆舌與爭苦無却敵之策再三辯論該使始允該國提督畫佔之地分別退還膠州亦在所退之內餘則作為租用略如各口租界辦法周圍以一百里為限按歲納租銀該地自主之權仍歸中國送來租地照會五款大致以保全兩國睦誼為詞臣等逐款覆核租以九十九年為限所定租界將來兩國派員立界時認定周圍一百里之限膠澳海面中國兵商各船任便出入膠澳外各島險灘准德國設立浮樁惟中國兵商各船往來進出概免納費至德國

兩院中開閣後向東處作直線即子午綫之向也如注謂度兩院之向中概之以指東則此是也山中之景為必與子午綫合故復以日中之景參之即以土圭度尺有五寸之景也極星在北極黃極之景也言與土圭同法也直綫與子午綫同則子午綫景夕者言地在中綫之東日過中綫時則東地之景已夕日西景朝者言地在中綫之西日過中綫時則西地之景方朝此即古人定經緯度之法也古人之法疏今人之法密而其理則無不同者茲僅就大畧言之若求其詳須從事方策非口舌所能盡也

南學會問答 ○時務學堂外課生辜天祐問 ○前論陸王程朱之學詳矣然陸王程朱之學皆本孔孟韓非子曰孔墨有異同而皆歸本於堯舜堯舜不可復生焉能定孔墨之異同乎然則孔孟不能復生又焉能定陸王程朱之異同乎余以為格物致知之學祇是西人所言質學公法學水聲光重電諸學已耳左文襄曰中國之睿智運於虛外國之聰明寄於實非即指中國之言理學乎今會中講學意欲令人皆講程朱陸王之學朱子在南宋何以無救於宋世之亡然則今之講學言理學即四子書已足政治格物之事乃今日之急務請自今以後專門講求政學為主余將敬聽焉 ○答曰孔墨異同朱陸異同其書具有在何難定所難定者是非耳非異同也孔子言格物朱子改為窮理西人聲光重電諸學亦即格物窮理之事不過此等學問當時未入中國今日正當講求以補古人所未及耳孔孟程朱之學萬世不可廢今之溺於俗學者以為講章八股遂足以盡中國之學其所見固陋而才俊之士又欲盡棄孔孟程朱而專從西學則所見尤謬矣若疑朱子講學何以無救於宋之亡然則孔子講學何無以救於周之亡豈孔子不足法乎 ○又答曰明開以朱子在南宋何以無救於亡有輕薄理學諸公意此姑不辨試清夜撫心於陸王治功程朱實踐設身處地能乎不能此是泰西講公理講無欺之學學會開講何嘗欲人抵講陸王程朱之學祇是欲人先正心術逐漸擴充耳大學開宗在明明德格致要義葆茲靈魂今學步邯鄲本真全失何益之有哉若以宋多理學無救於亡之故商量問學則鄙見所及願質之高明大凡修齊以上之事獨力可為然於格致分量猶未能盡若夫治國平天下之學斷無不資國力合羣力而能有成者古者政學同源官師一體文武兼資交師少師鄉大夫皆以仕而已焉者司其教事其遊國學也大樂正教之二十有禮始成爲士警宗以肆即三百六十職之文非本朝政書乎其尤要者太史爲掌故專官建典治與政府俾權貳約政法與法院聯事其同典籍之官若小史掌邦國之志奠繫世內史掌書王命讀四方之事書外史掌書外令掌四方之志三皇五帝之書遠書名於四方御史掌邦國都鄙及萬民之治令掌贊書凡數從政者小行人行風俗都萬民之利害爲一書其禮俗政事致治刑禁之逆順爲一書其悖逆暴亂作懲猶犯令者爲一書其孔喪凶荒厄貧爲一書其康樂和親安平爲一書反命告王亦上之太史太史以聖賢之徒爲史官之長於朝野聲息纖大悉知損益成書上登天府下發學官俾多士共習其法良意美如此即近人學派以知今事而求掌故之權輿而泰西各國議法與學上下一氣實與周禮相符故能聲威震於五洲文治軼於三古今觀宋儒講學凡坐一室於治國平天下之大經大法何嘗不加意講

求但能講求空理於其經緯萬變條理百端之實事烏從知哉且三代修明泰西強盛其法皆講之百數十年求之千數百輩而後能臻此有宋一代之治視三代何如視泰西何如循宋之制無變宋之法即使程朱楊真諸儒繼踵登朝久於其位爲良相爲小廉則有之烏足以起交弱制強之大虜哉今學會之意欲以羣力代國力諸君子講求政學當體用并進循序求之何必菲薄古人哉今觀日本有修身學泰西各廠署執事有品行憑單講新學者豈可不知根本之所在乎兩湖議遣子弟出洋 ○去歲膠州事起俄乘隙有違言日本權中國之不支也深切唇亡齒寒之慮又自悔遼東之役首先發難以至於此乃派少將宇都宮等航海來華以中日英聯盟之約往說江督劉帥鄂督張帥意見甚合並爲請之於 朝以膠事議結暑緩其謀宇都宮乃勸香帥派學生赴日本學習工藝武備較之在中華設立學堂爲費省而收效速適陳伯嚴吏部回江西道出武昌與宇都宮等晤談浹洽聽其誠懇電稟 右帥復商士紳咸以爲然嗣香帥亦有電來約議定湘鄂各遣學生一百名赴日本每年每人約助經費洋一百八十元一切火食書籍筆墨皆日本學堂供給現派候選知縣姚大令錫光先往日本佈置並議定學習章程大約夏秋之間即可招考矣

物名	每	實價	比價
銀	兩湘平	一千二百九十七文	減一文
銀圓	圓	八百八十三文	加一文
錢票	千文	七錢七分一釐	加一厘
上白米	石	三千文	
次白米	石	二千九百文	
中米	石	二千八百文	
穀	石	一千四百文	
灰麩	百觔	三千六百文	
洋麩	包	二兩六錢	
安化茶	包	五十六文	
淮鹽	包	七兩三錢	
茶油	百觔	七兩	
菜油	百觔	七兩	
洋油	箱一箱	一兩九錢	
牛油燭	箱一箱	一百二十文	

豬肉	劬
羊肉	劬
雞	劬
鴨	劬
鮮魚	劬
塊煤	百劬加一種
烟煤	百劬
柴煤	衡斗較者斗加二五
木炭	百劬

一百零四文
一百二十二文
一百二十八文
八十八文
三十六文
三百六十六文
三百二十文
二十二文
一千文

長沙老照壁沈力興藥室

奉送神效救急藥末
秘造靈驗成明丸每張制錢八文

醫理告白

花翎副將儘先補用參將項玉原係蘇州名醫葉夫士之元孫號一舟道號半癡子因髮逆之亂父母離散過繼浙江項姓幼習醫理得祖傳秘法專治男婦內科應手取效去歲來湘數月活人無算旋奉督銷局委出今已回省寓東牌樓咸和公館脈賞之多實所不計也

譯印中西文地圖股票出售

此圖係新化鄒沅帆大令在外洋購求各種西文精圖在湘設局詳細繪製共六百六十七幅險要扼塞莫不詳載定價八十一元如購股票者只收回紙印費五十元先收二十五元第一次交亞洲北圖百幅應續收股洋二十元第二次出內地直省圖二百六十幅再收股洋五元第三次出亞歐美阿澳各圖二百零七幅約兩年告成現於去秋赴日本用爛銅法鑄印已將第一次圖印出精工異常如欲購者請至本館面議可也

本館告白

本館現開設省城小東街每日出報一張每張可裁作四葉集訂成書零傳取錢五文每月取錢壹百叁拾文十五日出版起無論官紳士商均送報半月不取報費半月以後有願閱者請知會送報人掛號註明姓氏居址以便逐日送報按月收費

湘報後叙上

春秋傳曰中國亦新夷狄孟子曰亦以新子之國新之為言也盛美無憾之言也而夷狄中國同此號者何也吾嘗求其故於詩矣周之興也僻在西戎其地固夷狄也自文王受命稱王始進為中國秦雖繼有雍州春秋仍不以所據之地而不目之為夷是夷狄中國初不以地言故文王之詩曰周雖舊邦其命維新舊者夷狄之謂也新者中國之謂也守舊則夷狄之開新則中國之新者忽舊時曰新夷狄舊者忽新亦曰新中國新而所新者不同危矣哉已方悻悻然自鳴曰守舊而人固以新夷狄新之矣是夷狄中國果不以地言辨於新辨於所新者而已矣然僅言新則新與所新者亦無辨昨日之新至今日而已舊今日之新至明日而巳舊烏足以狀其盛美而無憾也吾又嘗求其故於禮與易矣禮者成湯之銘荷日新日日新又日新易繫孔子之贊日新之謂盛德言新必極之於日新始足以為盛美而無憾執此以言治言學固無往不貴日新矣願其助日新之具又不可得也世必曰文武之政布在方策識大識小未墜於地求其助日新之具則書是也夫書已往之陳迹古人之糟粕也千世之變異非古人所得逆而知也當時之情事亦非今人所得虛以揣也昨日之新至今日而已舊今日之新至明日而巳舊雖溫故知新存乎其人而新究在人不在書也書而新勢必日日使新人闢新理紀新事而作為新書而後可也然日日使新人闢新理紀新事而作為新書其書也書日謀篇也有日成卷也有日刊行也又有日比書之寓吾目則去其初著書之時不知凡若干日昨日之新至今日而已舊今日之新至明日而巳舊所謂新理新事必更有新於此者而書亦非新書矣往者江君建霞督學吾湘有鑒於此日使新人闢新理紀新事而作為新書不俟其書之成也而十日一出之名之曰湘學新報其助日新之意至切也然而則既已十日矣昨日之新至今日而已舊今日之新至明日而巳舊然而則既已十日矣謂之新可也謂之日新不可也於是同志諸友復創為湘報日一出之其於日新之義庶有合也雖然吾尤願讀此報者勿泥以為新止於此也天下之事之當新者多矣日不一日斯新不一新聞斯行諸不俟終日為中國乎為夷狄乎吾甯自新毋使人有以新我矣

湘報後叙下

夫言新於今日其惟吾湘乎其惟吾湘乎自陳撫部軍敷新政輔之以黃按察敦大成裕日起有功而晉緩之中濟濟然